



息庵集 二

律詩
排律
絕句

共十二

^ 16
2399
2



和
2399
2-2

息庵先生遺稿卷之三日錄



五言律詩 一百五十首

積雨

挽李僉正 聖淵

上在山樓前臺

木蓮花

終南閒居 二首

聞早蟬偶題

拱極堂

立秋後一日夜坐

七夕

次玄正上人詩軸韻

喜瑞明見訪

懷趙揚卿

懷趙公舉

初秋

試院秋夜錄奉閔太僕金檢討求和

息庵先生遺稿卷之三

言玄正上人詩軸

次韓肯世韻 二首

贈金醫應詢 二首

贈別趙勉卿 二首

次李善裕韻

送權水曹 原移拜 幽谷 察訪

挽朴林川 州

謝趙公舉夜訪

抱病

送曹承 宜令文 州守 春川 二首

遊道成庵

次趙揚卿韻

次趙揚卿韻因送揚卿彌明先歸

贈老釋楚雲

挽南統制 斗柄

贈別金教授應詢兼示沈蔣兩公

夜過納清途中口占 留龍灣



無題

公子行

贈別呂評事希天

挽崔古阜 挺海

春日山居

春夜聽雨志喜示允明

碧桃

紅桃

次權汝明韻

疊前韻答贈紀明

挽李陽川 哲英 室內

又疊心字韻志感

求解官 未遂 志懷

以不詣 槐院 爽貶 居下考

挽李子輝

挽鄭高陽 昌徵

挽鄭知樞 孝俊

奉和止庵李文寄示韻

大殿春帖子

送李次山赴海西幕

送南叅判

龍翼

赴燕

贈趙勉卿赴燕

挽李正字

明錫

寅賓軒睡起

大風

寄申掌令

命圭

愁坐孤館有感咏懷

疊前韻

夜地大震屋宇盡搖

謝玄風倅權君季堂

題姜太初中車錄

家國

憶昨

偶閱澤堂詩嘆而和之

次申元瑞

諫示韻

聞金叅判伯玉訃

寄申翰林寅伯

更次申元瑞韻

再贈張道人

西伯

擬徃海雲臺阻風不果錄奉萊尹令公

寄問洪朝伯

憶家中藏書

憶園中鶴

聞家園諸花盡開

自萊山向通度寺午憩梁州雙碧樓

通度寺鐘閣

塔臺

喜萊尹令公追至

簾差於筵席

求詩贈一律

次李侍講季周韻

再疊

三疊

四疊答李騎省文若

挽李副學

端相

別李子三赴韓山郡

送金夏卿赴安東府

挽權掌令

斗樞八首

挽李監司

星徵

挽瀛昌君大夫人

牛川途中記所見

晚上斗尾

送朴季肯赴通津縣

次李侍讀次山韻

再次

又疊前韻記感

次李美叔韻挽李輝世返葬故山

送李文瑞出宰安東

挽福寧君

三首代作

挽沈廣州大夫人

沈校理

熙世

遷葬挽

牛川舟中占寄申兄戴明

舟中偶吟

自平丘舟下新川由箭串橋入城

朔射不進得罷書懷

挽美、金浦

瑛

挽金主簿

仁文

挽鄭領相

太和四首

仁宣王后挽詞

三首

又

二首代作

顯宗大王挽詞

五首

狼川客館

寄畿伯趙公舉

送金晦仲出宰和順

挽趙校理

根

雪馬

祖席口占並示信使三大夫

贈別沈聖可調通津

挽李

尚

妻

挽崔生

涉內

五言排律

三首

息香先生遺稿卷之三目錄

四

挽趙監司 龜錫

孝宗大王遷陵挽詞

又 代作



息庵先生遺稿卷之三

五言律詩

積雨 壬寅

四月恒陽極三旬積雨淫急疑天並漏昏怯日俱沉
苔色連床暗溪流繞砌深繁憂難自整得酒且孤斟

挽李僉正

聖淵公之胤二東稷與余為同年公會樂兵平完南與聞靖社之議

曾從迂相座談笑得追陪鱗翼非無伐龔黃特見才
桂華椿不待萊舞薤還哀蕭索風流盡塵疑北海杯

上在山樓前臺

時驟雨初霽

倚杖臨山閣攀崖得小臺疎林收急雨深壑散輕雷

花逕元通竹蘿衣欲染苔翛然遊賞足斜日不知回

木蓮花

一樹木蓮花青林間素華迷離三徑外寂歷數枝斜
冷蘂疎偏豔寒香晚更葩性雖殊木陸肇錫幸同嘉

終南閑居

終南深復深卜宅近前岑臥看白雲出靜聽山鳥吟
林風涼客夢澗水澄人心興在忘言處悠悠不可尋

又

太極亭高處悠然獨倚楹有時山鳥近終日小溪鳴
嵐氣晴逾碧松聲晚更清遊心叅造化誰識此中情

聞早蟬偶題

六月已將半夜來涼氣生小池疎雨滴高樹一蟬鳴
探化觀時運居閑任物情蓬山曾有約吾得及秋征

拱極堂

拱極齋居靜終南雨色晴閑雲度岫白啼鳥隔林清
高臥寧忘世深藏更畏名逍遙聊自適還欲學莊生

立秋後一日夜坐

一夕西風動三旬積雨餘夜涼秋在樹蛩語月臨除
宦况閒仍淡文章病轉疎終南門巷僻誰訪子雲居

七夕

天上雙星會人間七夕過新知片宵短生別隔年多
機罷愁如織河橫淚洗波輕歡仍重恨誰道勝姮娥
次玄正上人詩軸韻

金剛一萬峰高插白雲中窟宅神靈閔煙霞日月公
反開鯨噴雪天濶鶴翻風共爾攜筇去秋山訪羽翁
喜瑞明見訪

何來驚剝啄訪我草門秋白雨留佳客青山入暮樓
蟬歸高樹靜鶴伴小池幽頗有清尊酒杯傳各散愁
懷趙揚卿

正憶林川子南遊幾日廻三春千里去終夏一書來

交態唯吾合文章愧爾才秋風湖海濶愁絕獨登臺

懷趙公舉 師錫

念爾金閨彥長趨玉陛晨風清宮漏微煙細御爐熏
碧落神仙近青雲雨露新終南病客在獨自草玄文

初秋

秋意日冥冥鳴蟬不可聽到池疎雨白開檻片峰青
世孰知高曲人今笑獨醒江湖波正滿歸臥弄雲汀

試院秋夜錄奉閔太僕 點 金檢討 萬基 求和

校士吾真忝猶欣長者從未能空冀馬誰是得驪龍
城闕秋陰暮林園露色濃論詩消永夜時復聽疎鐘

山人玄正今春復來訪我於息庵齋居余讀軸
中詩至申君瑞明所題不覺愴然繼以泣下嗟
夫余與瑞明共題此軸者不能一歲而瑞明今
已作千古矣轉眄之頃嬗變如此文酒追遊
遽成陳迹此子美所以迸淚於人日之作而永
叔亦嘗興哀於秘演之文者也遂更寫一律以
贈玄焉瑞明又嘗手畫一紙以弁此卷而巖崖
古樹坐老僧其下甚有意態今閱之獨不見此
余恠而詰之則玄言有一貴公子善賞鑒見而
輒藏去不還云

玄也求又至君曾和我爲兩行今日淚三復去年詩
隨意林花笑多情谷鳥悲寥寥千古事誰更話心期

次韓肯世韻

銷愁唯有酒不飲奈愁何花氣流新雨鶯聲度別柯
世情身外少春意靜中多况值親朋至詩成得共哦

又

懶廢逢迎久柴門每不開花隨春共去君與月俱來
榻爲延徐下舟寧訪戴廻昔人河朔飲今日莫停杯

肯世與東隣俞君元甫最相契厚時
至俞舍或不動余而去故第六云

贈金醫應詢

積疾將危日良方再起時一身初屬我萬事尚須醫
物物春俱得閑閑病與宜遺文素難在吾欲問軒岐

前冬余得奇疾幾不免游岱幸賴金
君投藥輒効聊將短律以鳴謝意

又

古有從_燕市何妨與子知春風入細酌微雨和殘棊
檢藥君臣合修生性命宜誰當推妙理一得上醫醫

金既紫豈尤精於切脈又以國基名時
鮮有出其右者即古春德之流亞也

贈別趙勉卿

憶君傾蓋日意氣許相加夜問玄亭月春題翠壁花
舊遊猶夢裏此別復天涯努力臨分語安時未足嗟

又

龍灣一千里擁傳亦勞哉轟轟胡山出茫茫鶴野開
金繪猶道路絲管自樓臺流涕江南事君應作賦哀

次李善裕_{慶萬}韻

憶昨東遊日騎驢訪石橋秋風入古寺孤磬發清宵
一別煙霞隔相思魂夢遙因君重起興便欲理征輶

送權水曹

原

移拜幽谷察訪

何遜才名久_三猷宦跡竒可憐新記馬誰識舊能詩
熟路征驂倦_四林歸鳥遲唯應庾嶺外時寄一花枝

挽朴林川

柄

文人宰東郡吾行指朔方暮春花滿縣細酌月窺堂
往事真如夢遺塵祇可傷還憐勞父老伏臘在桐鄉

謝趙公舉夜訪

不怕金吾問相攜到夜分人言星聚客吾得月留君
衰草喧蟲語微霜動鴈群西隣有好友幾口共論文

地病

抱病南山下林園秋雨餘未能成遠去猶得賦閑居
遼海幼安榻吳江別駕魚風塵繫簪紱慙愧每虛徐

送曹承宣令文

漢英

出守春川

紫綬臨仙界青雲厭禁廬春州從此去秋興定何如

漢水波寒夜清平木落初遙知康樂屐時得跨空虛

又

資玄昔隱處吾祖復行吟粲粲煙霞色蕭蕭楓樹林
秋江連雨冷古寺入雲深早晚追飛鳥遺塵倘可尋
自哭壽兒情事慘絕表從彌明輩見其如此拉
余爲三角之遊非直賞秋蓋以塞悲遂設泡於
道成庵徵明先已負笈揚卿與余聯轡留凡六
日而歸

暫爲除煩想因之得勝遊疎鐘古寺夜寒葉亂山秋
欲證無生話誰憐不盡愁人間一泡幻吾意在丹丘

次趙揚卿韻

浙浙林中雨微微壁上燈秋風開古殿半夜禮高僧
逸志雲霞香禪心水月澄幸無簪紱累一臥碧山層

次趙揚卿韻因送揚卿彌明先歸

始喜名區入還嫌歸路通青山懸落日赤葉下秋風
惜別三杯盡談玄一榻空知君多妙句寄我白雲中

贈老釋楚雲

國子官初解禪宮迹偶投一燈孤照夜萬葉共吟秋
曠蕩丘中想飄飄物外遊老僧多好意猶足為遲留

挽南叅判

平樂觀兵日將軍用武名裹尸思父烈聽鼓荷皇情
蠻海威令盪吳兒姓字驚韜鈴身後托仍得藥師甥

帝御忠壯公以興之子今
御營大將柳赫然之舅也

贈別金教授應詢兼示沈緒蔣諒兩僉樞

三人俱以軍官陪
家大人赴燕

弱國勞皮幣家君此赴燕晨昏違萬里羈綬荷三賢
積雪圍遼野寒雲接薊烟逢迎知改歲花月淚江邊

夜過納清途中口占

昨夜過葱秀今宵度納清每因忙後錯還似夢中行
馬足唯憑燭雞聲且辨更名亭疑識籙却憶富公爭

次韻

儼使久堂

朴公長遠

忙中惠瓊什意得語便清千里忘羈旅三人共此行攬裘衝急雪持炬走深更遠憶歸盤隱無人子所爭

留龍灣

迢迢千里遠匆匆一旬更此禮猶相問雖蠻倘可行亂山迷古戍寒日翳空城錯莫羈懷亂胡笳復數聲無題

新安少妓有名解語花者

二八新安女媚態轉溫極憐花似笑那及爾能言楚賦微辭在秦詞妙曲存峽雲容易散疇記舊時恩

公子行

公子何來客連鑣大道傍似從平樂館却向少年場素轂千金飾紅鬃百寶粧翩翩俱意氣今代自原嘗

贈別呂評事希天

聖齊與李侍讀端夏前後俱以天官郎得之

北塞移天曹由來佐幕豪曾知太公法况有使君刁叱馭雖常分看雲亦自勞那堪送行處風雪擁征袍

挽崔古阜

挺海

憶昨相逢日將軍氣未衰生平膝上劍歲晏鬢邊絲一別便長隔重泉祗足悲還憐此父子新折桂花枝

春日山居

寂寂終南下閑閑靜者居青春回洞壑白日照圖書
谷鳥聽逾緩山花看漸舒忘機吾自熟何必戀軒車

春夜聽雨志喜示允明

寂寂人初定悠悠我欲眠高齋聞漏後春雨落燈前
正念花辭樹仍忻水滿田端居憂世志惟是祝周年

碧桃

白玉桃花色英英一樹芬淡粧嬌靨國縞服寡文君
瑞雪留春冷清香襲月薰還憐粉蝶影逐藥共紛紛

紅桃

灼灼紅桃樹夭夭小苑春真逢傾國色錯疑映門人

態迎霞豔晨粧帶雨新最憐皮子賦一諷更稱神

次權汝明韻

韻 汝明家饒圖籍余方借其古
今全史看之三及之

玉署非吾分衡門不厭深每尋前代迹時見古人心
嫩萼迷紅障幽泉咽素琴探春明日約騎馬向東林
疊前韻答贈紀明

一言君未戒群謗亦何深縱使能銷骨懸知不負心
冤氛埋獄劍孤調在山琴耿介無人識寧終愧士林

挽李陽川

書英室內 白軒相公之冢婦陽川公
之繼室新婦未幾陽川病

逆變過甚祥
室內又逝

相國西河痛彌年淚不晞却驚新婦沒又向故山歸

落月窺塵鏡，淒風動素幃。最憐稚女在，猶託嫁時衣。
又疊心字韻志感

用世元非計，逃塵愧未深。風霜餘短髮，江海起遐心。
有酒聊開酌，無絃只弄琴。千秋禽尚志，吾道足山林。
積雨乍霽炎熱轉，隨時求解官未遂書以志懷

新得李時珍本草一帙
近所閱者只此書耳

雨霽炎猶酷，官存病欲加。生涯惟本草，名利即空花。
臥聽溪喧石，時看岫出霞。仍聞九街水，浩蕩沒行車。
以不詣槐院，褒貶居下考。

法願官休罷，粗能辨實實。何須六百石，自愛五千言。

蠻觸浮生事，閑忙半世身。今朝聞好報，高枕酌風軒。

挽李子輝

光穆官終持平年止三一三無二方
修內翰時政記一畢而況

芹舍封章日，薇垣獻諫時。多君常忼慨，此我每低垂。
叔世淪才恨，明庭失士悲。龍門不盡業，執手更傳誰。

挽鄭高陽

昌徵鄭相維城之子寅平都尉之父
都尉天卒未二年而高陽繼公

昔子西河慟，言之淚滿腮。如何使吾相，今復有斯哀。
老樹風凋葉，空庭雨長苔。還憐留葬地，澆得邑人杯。

挽鄭知樞

孝俊代作

五子登科甲，嗟公百祿宜。西京萬石貴，南極一星輝。
乘化知無憾，修身固有涯。誰將秦失淚，却向老聃揮。

奉和止庵李文寄示韻

亭從吾祖闢地即尚公遊不識何年代猶稱某水丘
舊園三畝在遺訓一經留每誦河汾語行將老菟裘

元韻

李止庵

名進

鬱鬱終南麓吾童子所遊白鬚臨澗壑青眼記林

丘誰道成安後還教宅相留茅齋仍望月事業在

箕裘

尚成安公於吾於君五六代祖也豈意百餘
年後舊址屬之子平死王大監闢相業於其
地此甚奇矣仍
書短律以勉之

大殿春帖子

麗景添長線條風解薄寒時當元節屆日報聖躬安

綠樹嗤唐制青幡陋漢官唯將歐帖語共獻九重看

送李次山稽赴海西幕

萬里鵬圖壯青雲逸翮輕今朝出西海六月息南溟

孤竹高風遠芙蓉秋水清此鄉多物色知爾長詩情

送南叅判龍翼

以陳奏使燕丙午秋

今夏查使之至廟堂一空辱及君父庚寅
之事猶未至此時右相許積與南公以陳奏
踵北使入燕而南
會使日本者也

主辱今如此賢勞所不言曾裝通越橐便脂指燕轅

落日中原杳驚風大漠昏行行傍柴市倘可酌忠魂

贈別趙騎省勉卿以冬至書狀入燕

余亦將有接後之役於萊州
卿以短律略叙參商之懷

至日欲風雪都人愴別筵
吾行炎瘴地君指大羊天
浩渺扶桑外崢嶸碣石邊
歸來重聚首倘及杏花前

挽李正字明錫

吾榜三才子人稱妙歲英
學仙魯化鶴有客亦騎鯨
城郭歸千載滄溟俯一泓
那堪哭弟淚因汝更縱橫

吾榜四十人君與丁君鳴叔為最少年表弟
中瑞明亦履二十餘三人皆富於才藻為一
世豔稱未瑞明先為俗遊鳴叔繼逝君今
又以毀於孝不起古語云秀而不實者有矣
悲夫

寅賓軒睡起

寅賓東萊律名

三月寅賓館寥寥度歲華
國今通日本吾亦到天涯
海暗鯨脰浪春晴蜃吐霞
惟憑枕上夢一夜一還家

大風

南極春恒燠今年氣不齊
海隨風並立雲與日俱低
浪作魚龍喜驚聞禽鳥啼
最憐梅節晚零落小墻西

寄南海申掌令元瑞

命圭言事被諫

昨子投蠻邑今吾到海濱
官程憐四日別意隔三春
水濶愁蛟鱗天低怯瘴雲
千金須自愛早晚有恩綸
愁坐孤館偶然攬鏡鬢
毛有一莖白者有感咏

懷

余今年三十四

顛髮三分白鬢毛一縷明少年茲面貌何日更功名
蠻雨春沉市鯨濤夜拍城通夷吾計拙孤絕百憂生
前篇有何日更功名之語蓋本老杜勲業頗看
鏡之遺意然此特戲耳聊疊前韻以道余初志
絕域愁誰語行藏我自明已嫌頗識字何用更求名
急雨通夷館飛雲隔漢城只應公事了歸學華山生

三月二十七日夜地大震屋宇盡搖

異俗嗟難遣殊方事事驚夷情紛喜怒天氣忽陰晴
颺起時飛石嵐生晝濕楹如何坤軸動隱隱復東傾

玄風倅權君季常是經余同年友致書相問且

惠竹瀝蕙艾五升詩以謝之

自雪五升藥玄風一紙書昔曾珠作謗今賴漳還除
霧靈烏恒玷樓臺屋或噓通蠻君莫問歸計總虛徐

題姜太初中車錄

讀罷巾車錄孤燈黯不光歸應同化鶴節豈愧看羊
唾手島中檄剗肝海外章稼軒詔跋語今日重悲傷

家國

客况三旬久鄉愁萬緒嬰諸姑俱抱疾阿姪亦關情
未罷崆峒駕頻驚嶺海行庭闈千里祝日日報安寧

憶昨

憶昨辭朝日清光許覲堯不緣庭訓切那得廟謨調
噉出看疑近雲飛望轉遙君親三月隔一夜鬢毛凋
偶閱澤堂李公詩中得田園亦何好老大但當
歸之語極有激昂感慨之思三嘆而和之

羈旅二三月經營八九非春從前日去吾得幾時歸
國計成仍改鄉書到亦稀遙憐南麓下花柳自荆扉
次申元瑞謫中寄示韻

不涉東南裔虛生天地中比形河見少爲物海稱洪
遠謫曾非辜雄詞想轉工茲遊竒絕語千載憶坡翁

聞金叅判伯玉始振計

敏議天人貫通才外內宜長楸驥欲展明月劍相疑
縱在那能用云亡祗可悲篋中前日札三復淚雙垂

寄申翰林

遠致別語厚意何可忘昨聞簪筆供奉 扈

至行都謹綴俚拙以寓瞻戀之懷仍乞轉示

銀臺文叔代言玉堂兩李學士

謫謫靈泉會瑯瑯總玉珂火龍蒸瑞液池鳳浴恩波
密勿君臣契掄揚父老歌獨憐銅柱客流落鬢毛皤
更次申元瑞韻

生晚東坡後子來南海中道疏萬里遠吞納百川洪

天水本來大雨雲時自工茲行或非謫人亦謂仙翁
再贈張道人

今夏余奉使留滯蓬萊而道人適自寧海
來會年已踰六十鬚鬢皤然而氣貌古雅真
有道者也日於譚說之暇輒論南都形勝况
若置身於鍾山石頭之間而及其語乎喪亂
流離之際則又不覺愴愴悵悵而其涕之欲
下也道人求詩甚懇遂賦五言近體四篇以
與之

張翁出中土家世本南都萬國三韓外千秋一劍孤

風雲占氣骨霜雪上眉鬚欲向麻衣問神仙做得無

又

少年遇黃石中歲客青區大漢崑崙使真人龍虎徒
秋霜明玉劍紫電繞朱符萬里飄然至春風碧海隅

又

聞昔南都勝鍾陵氣鬱盤土中周洛邑江左漢長安
城闕風雲在英雄戰伐看仍思朱學士齋詔出三韓

蘭公之著
亦全後人也

又

欲說江南事應傷故國情衣冠多倉卒胡虜轉縱橫

聖祖提孤劍，虜王失百城。至今騷客賦，千古愴蘭成。

燕都雖失，若非弘光之種，淫猶不失為司馬。征東趙康王，而不及一年，江表又淪於寇。昔王荆公有金陵懷古詩曰：霸祖孤身取一也。張敷傳：出張敷傳。

擬往海雲臺，連日阻風不果。錄奉萊尹令公。

臺在東萊，距東十五里。舊傳：崔孤雲所遊處。

崔仙舊遊處，聞在蓬萊東。半夜擬看日，今朝又阻風。誠難開海市，妬亦遭天公。且欲冷然御，雙虹掣碧空。

寄問洪朝伯。萬宗朝伯，曾患手背有疾，核一

相離千里遠，相憶幾時休。以我虛漂梗，憐君疾疢。

青春已過，碧海暮長流。夢裏還攜手，同登明月樓。

憶家中藏書

長物吾何有，猶多舊史經。百年堪作蠹，每夜只須螢。散帙時誰整，孤亭晝自扃。唯應歸去日，枕藉睡風檣。

憶園中鶴

蕙帳辭多日，蠻鄉轉起思。園中雙鶴在，雲外一聲知。靜影憐花徑，幽懷付竹池。孤山歸隱處，從汝舞參差。聞家園諸花盡開。

昨夕家中札，園花報盡開。無人從掃石，盡日獨翻堦。影拂鷺相覓，香飄蝶自來。封姨如待我，留得數枝佳。

自萊山向通度寺午憩梁州題雙碧樓

百日蓬萊住今朝始北還名州知黑水古驛近黃山
巖閣溪流淨被堤竹影閒欲從靈鷲去螺黛指雲間

通度寺鐘閣

寺在梁山鷲棲山下新羅所
翻有浮圖藏如來真舍利

通度知名寺南遊偶一尋何年來佛骨此日悟禪心
幽瀑當塔落閒雲過殿陰翛然佳賞足夕梵和鐘音
塔臺

閱劫留崩塔懸危有仄梯纔臨一臺上便覺萬峰低
禪戶蜂開室靈厓鷲寄棲未嗟花節過猶識武陵溪
喜萊尹令公追至

乍離纔昨日相憶且終朝不謂肩輿至無煩手簡邀
入樓青嶂滿攀塔綠蘿飄共子耽遊賞諸天未覺遙
簾差於筵席求詩書贈一律

問君千里外幾日發炎涯積水浮仙嶼春星伴使槎
辯飛孤劍動情洽百杯加楚晉交方睦寧教舊約差
直廬次李侍講季周

端夏韻
季高時以兼
文學直春坊

高秋建禮夜傑句右丞詩已覺胸懷豁都忘手閱疲
寒花幽賞足涼月朗吟宜今夕重相約清樽御水湄
再疊

禁苑二秋色官曹幾首詩親知一相聚酬唱未云疲

欵欵清言在蕭蕭小雨宜
看明夜月重到鳳池湄

三疊

偶淹西掖直頻續遣懷詩
鬢覺蕭疎短腰憐曲折疲
高城涼雨過深樹暮禽宜
幸乞松楸暇明朝上斗湄

四疊答李騎省文若

沃

忽忽我眠後不知君有詩
出奇真愈捷奔命奈徒疲
屬鞬中原壯交綏兩國宜
鴻溝今日約吾欲保東湄

挽李副學幼能

端相

代家大人作

橋南前夏訪乖濶幾年悲
刻苦工夫得清羸疾病將
歡然道舊語念之至今傷
家祭違牽紉題詞涕自滂

別李子三赴韓山郡

病憐玄晏久忠許更生孤
直道官仍拙高懷氣轉蘇
春風馳五馬幾日返雙鳧
黯慘承明別臨觴獨一吁

聞金夏卿

再錫

將赴安東任所走書以贐

知子宿願成嶺邑佩符行
先謚迎綸計高堂舞采情
春風東洛水細雨古陶城
獨笑薇垣客遲徊負諫名

挽權掌令汝綱

斗樞

少小交驩日無如舉業時
腐毫吾得賦刻燭爾成詩
對手耽碁拙從心闢語奇
至今魂夢裏猶傲昔年爲

又

昨解洪陽綬江湖滿目寬
讒言何太巧雅興不須刪
行里時爭席臨流且把竿
更憐當日約徵我記齋顏

又

告疾吾休沐君乘月到門
丁年兩華髮丙夜一清尊
激切傷時事矜高出世言
前春如隔宿唯有淚翻盆

又

十日看君病沉沉病日臻
長柔慚浙淺腐草失劑珍
薄宦靳三級遐期減四旬
所悲床褥語邀我重諄諄

又

抱疾元由酒逢場或近顛
澆胸猶日可銷肺又胡然

每覺交情重時憐俠氣偏
單醪今送汝令我涕雙漣

又

雅弟推芳歲沼翁閉九原
賦聲猶誦雪樓扁只傳雲
差喜門闌慶行誇子姓繁
誰知老岳母頭日哭吾君

又

昨從一連宅三情到夕曛
人間已失友淚下多言君
居禮巷南畔諱兵海北濱
癡頑愧獨在謗舌任紛紛

又

哀哀歛一木送送入孤墳
生鬼當今夜招魂續古文
他時詩酒會此日死生分
一慟西望地坡山慘暮雲

挽李監司

星徵

昔歲登科甲，簸揚猥在前。幸從公兩世，俱謂我同年。
國器青雲晚，時憂素髮先。長悲蔽芾詠，留惠海西偏。
挽宗室瀛昌君大夫人

校洞王孫宅，林園接短墻。庭萱風自落，階草雨仍荒。
半歲來仁里，同朝識大郎。今宵聞薤曲，間井爲悲傷。

牛川途中記所見

春閨仍乾旱，秋霖又電霜。漸看寒葉赤，無復晚禾黃。
室罄村妻泣，場空野老傷。菊花何意緒，的歷滿崖香。
晚上斗尾

策馬朝衝淖，挈舟暮上波。高江因雨大，涼月得秋多。
節物猶群態，詩情且獨哦。蒼崖兼赤葉，歷歷眼中過。

直廬送朴季肯赴通津縣

退合耕三畝，仕猶求一麾。本來吾熟計，每事子先爲。
城闕秋風夕，江湖歸鴈時。冥冥望行色，且去活良饑。

次李侍讀次山韻

蕭瑟高秋事，清霜落小池。窻前有老樹，夜半動涼颼。
靜念齊民苦，仍懷魯女悲。明時空忝竊，密愧才疲。
再次

冷雨稍侵砌，餘波復漲池。乍晴雲送月，入夜樹鳴颼。

華省潘生興清閨謝子悲抽簪真得計隨處托吾疲

又疊前韻記感

重起平陽第仍開沁水池青雲滿綺榭朱夏引清颺
巢燕爭相賀調琴未足悲祗憐氓失所提挈泣孱疲

次李美叔韻挽同年李正字輝世返葬故山美叔

名秀彥輝
世名光庭

楚南有羈鬼隴西無謫仙此生寧見日汝死實九天
客舍招魂夜鄉山返櫬千秋宋玉此安得巫陽傳

送李中丞文瑞奎齡出宰安東

論事清時易蘇疲儉歲艱君今出嶺海民亦得湖山

五馬行將遠孤鴻去自閑黃金兼漢璽早晚待鳧還

挽福寧君柏代叔父作

可惜王孫貴溫溫德有餘居家四字對留枕八公書
積雪迷蘭路淒風拂柳車衆賓咸失涕無復引應徐

又

周家惇本支漢代盛恩私駝炙常分膳龍駒每賜騎
華清隨蹕日長樂侍筵時玉折重宸功哀綸感路歧

又

丈夫甚憐少賢愚亦各言稚兒公半子佳婦國諸孫
華屋纔叨席薤歌遽斷魂永懷姻好誼嗚咽倍聲吞

挽沈廣州之溟大夫人

夫人著壺德壽祿亦無肩牲鼎平生養魚軒幾邑專
有兒還近耄無恙遂登仙彤管垂芳史誄詞不盡編

沈校理熙世遷葬挽前後夫人并同遷原州

澤老有長句為公嘗悼亡因聞銘簡肅還復屬歐陽
兩什文章古千秋事蹟詳三所悲會合題挽愧詞荒

校理前夫人俞氏之喪澤堂李公植為長姪
詩以悼之其詩格高調古校理之歿也屬其
墓銘于其婿孫昭中
公文亦古雅可誦

牛川舟中口占呈寄內兄申君戴明

昨者兄先到今朝余亦還東西一帶水中表兩家山

春草深深洞桃花淺淺灣舟中詩以報乘夕且開顏

舟中偶吟

雪馬元朝雪風帆寒食風迷茫乘錦浪恍忽坐瑤宮
此路何頗快吾行偶屢通只愁明日去塵軟洛陽紅

自平丘舟下新川由箭串橋入城用前韻

高浪放船去危橋鞞響還纔分蠶室樹忽過馬場山
短麥青抽畝垂楊綠接灣輕風將急雨點點醒吾顏
以試事謗議未已朔射不進得罷書懷

於藝吾何執無才足謗譏關弓絃不動取士策多違
眼轉迷朱墨心應失是非幸今官得罷慚愧返初衣

挽姜金浦

項

惻愴公家事誰能不泫然偏親今百歲之子奄重泉
國擢廉能最人推孝友偏益悲坡牧語無復舊衾聯

挽金主簿

仁文金晉州子長之大人子
長嘗擢重試名德遠

一第猶皆豔重登豈盡譽悅親無出此生子固當如
舊記曹疑馬仍聞邑佩魚占年纔易數題挽却欷歔

挽鄭領府事

六和癸丑

積慶肇萊邑貽謀自夏官一門生六相五世輔三韓
德業當時重文章後代看調元餘廿載福祿似公難

又

文翼真王佐司成亦道存因悲神武事尚憶大臣言
相國追前烈通家到後孫先朝與吾祖接武復台垣

又

赫赫經綸業潭潭相府宜同升公伯仲均佩國安危
大匠收鑪錘元功託鼎彝却驚湘澤畔孤鴈影差池

又

龍虎人魁傑韓公識北平有時床下拜少日里中生
諭祭文無愧辭官批幾成還悲掌制地十載變哀榮

仁宣王后挽詞

甲寅

聖女宜京室思齊想典刑于飛從鳳邸借駕涉龍庭

範外由中壺輝前自後星 寧陵十載烈彤管映千

齡

又

漢代尊長信朝廷正在東久聞坤則著爭祝母儀隆
舜養須天下堯仁即女中今朝鏡奩慟何以慰宸衷

又

黃驪葬聖地攀泣憶前冬水齧纔移窆山因即繼封
已朝珠阜雀仍駕洞庭龍不比皇英恨蒼梧蓋未從

又

代叔父製

曾沙徵積慶德不稟貞姿震邱由侯邱坤儀轉母儀

施孫元帝社育物儘皇慈兩字仁宣美周公謚法宜

又

五月先妃葬靈辰痛不留因山纔緇禮隔歲復真遊
九岫雲迎駕三湘桂作舟千官揮淚地咽咽助江流

顯宗大王挽詞

甲寅

顯顯先王業於戲冠大東傳昌由立季齊舜即生馮
孝已承 宗德仁能叶 祖功巍然標烈地百代號
陵崇

又

達孝誠無間東朝致養隆初聞祔事曠仍覩緇儀崇

步武皇王際情文禮義中 嗣君能繼志昭儉霸陵

同

自有留皮問咸知祝網仁枕嘗勞乙丙災復軫庚辛
敷恤虞刑簡行寬漢詔頻 垂衣餘十載東土盡恩
淪

又

問響真仁術精裡亦孝思如承大祭日尚軫小民時
疾病還如許憂勞諒在茲千秋編簡著 徽烈埒姚
祁

又

不以臣卑鄙常蒙 主寵私橫經獨對地侍藥象詢
時易墜成河淚難工摹日辭偏慙子車氏殉繆昔人
悲

狼川客館 乙卯

不謂吾多暇今朝訪峽還千年觀循國百里到徃山
地僻煙霞窟時危虎豹關須君勤撫字惠澤及惇鰥
受暇展先墓行到平丘畿伯趙公公舉以前夜
過此宿奉安驛翌朝到奉安則畿伯又已向楊
根相望三十里之地終失一晤不任悵然之懷

爲賦短律却寄 庚中

聞道公行部東來擬躡塵偶然半日還復失由旬
較智嗟難及抒情慨莫因龍門瞻嶽嶠秋色切高旻

送金晦仲 載文 出宰和順縣

清絕湖南縣宜君尚藥冰幽篁青萬介瑞石翠千層
處順艱能濟行和薄可懲是知名邑義寧復關甘陵

挽趙校理 根君少嘗受學於宋尤翁登第官至
玉堂乙卯後棄官居皮山辭連宋

尚敏疏獄受刑配慶州
中夏得釋未數月病歿

一城知趙寶昭質世稱皆劫火焚來潔良工琢得佳
序房曾位置塊礫竟沉堙一掬荆山淚今朝不盡揩

雪馬 辛酉

三冬豆粥津十里一鋪陳偌大玻璃鏡無量白玉塵
泠然行雪馬颯爾送颯輪如此天遊快飄飄物外身

漢江祖席口占充贖語並示信使三大夫 壬戌

尹監司副完副休李校理
彥綱從事朴佐郎慶後

專對三人最吾王棟選明一時辭北極五月下南溟
怒鱗投文避驕蠻負韉迎懸知幹事日唯道濟君靈

江上贈別沈聖可 權 謫向通津

五月滄江水邀君乍濯塵幸今違畫地從此指通津
長路知無閔佳期定有因新秋恩赦後一躍見淵鱗

昔汝終南宅嘗從我問醫每憐持弱質仍復遭喪威
弄瓦寧非喜舍珠却是悲青春餘二十短世只堪唏

挽李

尚泰妻 申兄楊根公女也

挽崔生

汾內 甲子

昔過楊山路君家識二難萱闈憂正切藥篋愧曾殫
惻惻留遺挂纒纒見素冠莊生應達理愁得鼓盆寬
五言排律

挽趙監司

龜錫

少小稱公輔偉才氣哀然家聲存識度仕路幾騰蹇
清夜歸蓮燭春風上彩輓同遊俱在後坦步自無前

棲棘情初遂留棠化獨偏遐心營一壑末跡問高天
鵬且災庚日人胡夢已年吟纔罷澤畔疾奈劇漳邊
大藥知難就高堂祗益憐槐山還宿草楊壤又新阡
樹老鳴寒雨庭空羃暮烟風流嗟已遠噐宇果誰傳
舊誼懷床拜新悲欲劍懸淒風吹感淚沾灑薤歌篇
孝宗大王遷 陵挽詞 癸丑

古者姬文世猶移季歷藏錮山還有隙修墓亦堪傷
地昔留真識人今葬 聖王龍驤杳舊歲象設變新
岡百行尊名著千秋大義彰宣皇代邸裔杜寢灞陵
傍詰辟元同道靈丘合並鄉慎終虞慕切追緬魯儀

將寶帟秋臨水神戈曉剗霜夔魑奔瑟縮埃壘辟清
涼廡駕徵周史遺箱問漢郎三泉方再掩萬涕却同
滂復上希靈妥游原認澤長殯歌兼善頌邦慶自無
疆

又代叔父製

於赫先王烈微臣敢指譽文魯代邸入晉亦狄人
居日月明同照江河快並疏耕桑安助徹關隘壯儲
胥已偃仁風動方瞻化晷舒燕臺正高築漢業忽中
沮眇邈魏穹意悲涼志士歔荆湖迷逝水梧野莽寒
墟嶽勢三陵近天行五閏餘永期泉隧妥那音石縫

疎媪鍊知無賴灤移遂莫徐輿情開怫慨宸筭突
躡躅吉宅新岡在佳祥舊識儲園仍皇祖並德覺
聖孫如舜慕桀追遠姬儀盖帥初所悲開白日還復
指玄閭嶽祇紛呵護方神肅屏除飄颻度鳳翼迢遞
引鸞車箱出中郎啓囊封太史書洪恩曾逮下大
造實偏余蓐蟻誠徒切持龍計復虛殯歌仍慟哭清
血自盈裾

息庵先生遺稿卷之三

息庵先生遺稿卷之四目錄

七言律詩 八十七首

迂齋相公小祥

次四雅子述懷韻

送洪端川 錫龜二首

次東坡咏雪韻 二首

奉送沂川 洪相公赴燕

奉送李侍郎 正英世按關西

稚秦博浪沙

釋耒答三顧

送李承宣 俊翁出按關東

走書 長律以贈 李行臺碩之

自新安辭家大人南歸述感

百祥樓

送崔周卿向太白

挽李判書 慶徽

挽趙麻田 時馨

挽趙判書啓遠

挽海城君金汝水

大殿春帖子

次萊伯李汝輝韻

寄謝文谷太學士

次萊伯韻

聞洪伯涵遠謫北郵

贈張道士

題釜山山亭

海雲臺再疊菟字韻

次公舉韻

事竣將還留贈萊尹

挽李通津敏采

送鄭納言華齊赴燕

送金季明出按關東

挽福寧君

次洪于海病懷八首

次洪于海韻

挽李應教有相

次夢齋申公韻

秋夜次夢齋韻

又次夢齋韻

展掃先塋留題屋壁

贈別關東伯趙公舉

追寄勉卿洪州之行

送固城倅趙君世煥

李尚書殷相

壽席次光城台韻二首

又疊前韻

挽豐陽君張善淑

挽趙判書新

贈別夢齋出宰安邊

送李承宣有初赴燕

追寄揚卿溫陽之行

挽南叅判九萬大夫夫人

懸弧之夕書示汝兩

送申兄戴明謫博川

挽趙正泰相

寄題梅鶴亭

直藥房偶成一律

仁敬王后挽詞

二首

挽李生

涉

婦金氏

挽宋生

殷錫

婦朴氏

挽趙承宣

遠期

歷展外家諸墓有感

水雲亭書示尹生

勤

次南尚書雲卿韻

買山

再題梅鶴亭

敬次文谷相公韻

好事

送李侯

鶴

出守白川

近水堂敬次東淮先生韻

角巾亭疊東字韻

次柳諫議是字韻

于架亭書示洪伯涵

贈別北伯李君實

挽趙監司

世煥

明聖王后挽詞

默默

挽閔海州

燕

七言排律

二首

歷覽泮陰蔡亭舊基口占

復疊前韻

息庵先生遺稿卷之四

七言律詩

二月四日迂齋相公小祥

辛丑

去春東閣曾相弔惆悵今逢二月回當日英豪歸夜
宅異時勲業列雲臺亭園寂寂人誰在風雨淒淒燕
獨來懷舊潘生情感慨不堪重切悼亡哀

次四雅子述懷韻

壬寅

南樓昨夜動涼風七月殘炎覺已空河漢影高秋色
裏梧桐葉冷雨聲中三旬藥餌心猶健千里煙霞夢
屢通安得與君同跌宕蓬萊山上駕雙虹

元韻

申瑞明

舞蝶鳴蟬弄晚風竹床簾篔小齋空年光暗換濃
陰裏秋氣偏生積雨中萬事世間隨淡泊一樽身
外任窮通何當拂袖訪蓬島共躡毗盧千丈虹

送洪端川

錫龜

十載蹉跎兩鬢蒼每憐郎署老馮唐秋風五馬馳關
北昨夜孤鴻到漢陽山抱玉田朝旭暖海連銀闕暮
濤長知君冰蘖還餘事早晚恩綸下未央

又

小小曾從關塞遊端州未到到咸州春風波浪龍興

水落日歌鐘萬歲樓每詫舊時觀自壯還憐此別路
偏悠東門斗酒分攜處北望雲烟已素秋

次東坡詠雪韻

漠漠疎林噪暮鴉紛紛朔雪欲埋車佳人解道因風
絮才子工吟剪冰花剩把詩情輸灞岸旋將喜氣屬
田家閉門且學袁安臥龜縮無煩手屢叉

又

掩日篩空密復纖隨風入夜勢全嚴崑山璞碎堪投
鵲滄海篇成解賦鹽已替飛花縈綺席更兼新月照
茅簷論才忽憶梁園興誰共相如較兔尖

奉送右台沂川洪公命夏赴燕之行

司馬高名四國聞富公專對賴忠勤曾從虎殿驚真相更許燕都識妙文日落遼山遙接海春來薊樹暗如雲懸知夜夜台垣望分得清光淨塞氛

又

駟馬蕭蕭將遠行驪駒一曲不堪聽百年實下伊川淚萬里虛高魏國城山指殷人曾採地波連齊士欲投渾中原極目煙塵色誰識書生感慨情

奉送李侍郎正英台文出按關西

繁華終古號西京建節巡藩世共榮禮樂尚存箕子

國風雲長護乙支營錦筵釵髻鳴絃坐玉帳袴韉握劍迎最是嘉州遺愛在行看竹馬擁雙旌

推秦博浪沙月課

說難公子已歸秦五世嗚恩別有臣可但西山空守義却從滄海更求人金椎電掣乾坤慘玉輅塵驚鬼物輦未死祖龍先膽懾休言首事祇吳陳

釋耒答三顧月課

伯仲伊姜垂大名何曾管樂比先生使君不憚湯三聘帝業期恢夏一成釋耒始聞酬漢室開屯仍見雜邊氓平生肯作兒孫計唯許成都數畝耕

送李承宣俊者出按關東

憶昨留宮共把杯，卽看新節下銀臺。千秋嶽色毗盧雪，白日濤聲渤海雷。終古地形常擅勝，祗今民事奈堪哀。吾家舊近昭陽渚，何得追公一棹迴。

再逢李行臺碩之慶果於新安走書長律以爲

幽薊長路驪駒之躋乙巳

西關再度逢迎際，王事驅馳道路漫。落日停杯辭故國，片宵聯榻到新安。邊雲朔雪山河暮，哀笛清笳樓閣寒。異地不堪兼送遠，願君努力且加餐。

自新安辭家大人南歸述感

拜別高陽淚幾吞，却從西塞侍征軒。小臣勞力元王事，絕域承顏亦主恩。心逐歸雲長北逝，身催去駟獨東奔。明春淚上歡迎地，願著萊衣捧壽樽。

百祥樓

樓外浮雲大漠垂，樓前落日澹餘曦。千秋關塞登臨地，十月山河雨雪時。歌舞乍寬長路役，兵戈却憶昔年危。側身香嶽還遺恨，天際群巒暮轉奇。

持被玉堂已二十日，尚未有出沐之期。今朝崔

內翰周卿後尚以實錄移安方向太白，歷見

而去，聞其行將由四郡登覽，乎寒碧二樂之勝。

汧洞於龜潭島潭之間踰竹嶺訪黃池誠可謂
盡江山之瓌觀者矣顧余雖有江湖山藪之思
而譬如彫籠之繫羽徒自引領几几而已殊几音
聊占長律以爲贐蓋亦平子四愁之遺意云

太史今朝向太白遠嚙丹詔出丹陽千秋地僻圖書
秘五月江深樓閣涼逸志尚禽追訪嶽雄文司馬憶
浮湘獨憐留滯鑿坡客補袞無能鬢髮蒼

挽李判書

慶徽

如公衡鑒政時須歎息明廷失範模一世九遷今亦
得三卿二代古猶無論人每耻先夸者言事何曾效

嗇夫遙想西江飛旒遠不堪秋夜斷鴻呼

挽趙麻田文

昨馨

曾與諸郎托素期每從床下拜清儀廉名郡邑唯琴
鶴晚計田園且酒碁誰道六旬非上壽人傳五桂總
瓊枝久知餘慶綿綿在聞說臨江吉宅宜

挽趙判書

際遠

山林龍虎識魁豪耆耄三朝位望高髻歲潞公期輔
相中年師曾學戎韜律身藩翰無良馬滿志江湖有
善刀乘化九天應一咲笑它浮世鬧兒曹

挽海城君金

汝水

少小韜鈴世將家勲封武甲兩堪誇北平虎穴曾開
石南海鯨濤舊擁槎當日溺灰心自苦暮年看鏡鬢
先華所嗟纔送頻陽別却寫哀詞哭柳車

大殿春帖子

居首

青旂鸞幣已迎春肅穆千官賀紫宸北極山河終古
壯東皇正露一時新靈臺占氣徵豐歲法殿開罇賞
諫臣最是漢家寬大詔更教黎庶荷恩均

次萊伯李汝輝

之翼韻

昨罷螭頭彩筆簪南來使節豁胸襟遙臨關嶺千年
險直下滄溟萬里深天外故人還數見春回美酒肯

孤斟投詩况有琳琅語歸橐何須更陸金

寄謝文谷太學士

金公壽恒

萬里憐吾出五谿藥囊亦重許分齋甘從南海求鵬
息且荷東門有鳳題亂後駸駸蠻俗惡春來處處瘴
烟迷文成論蜀嗟何用漫把歸期學卜雞

次萊伯韻

北望浮雲黯不開強攜樽酒上高臺青春冉冉鷺花
去碧海茫茫風雨來裘帶正看開府略詩書誰數大
夫才天邊節序嗟相換日暮歸心漫自催

余之南來也吏部洪君伯涵曾有贐語昨聞伯

酒以非辜遠謫北郵爲之驚嘆遂步其韻以略
道愴然之思而已

我作炎州三月行聞君北謫復脩程千秋蜀國文園
檄萬里潮陽吏部名瘴海春來音信斷沙場日落旅
魂驚郵亭正想閑多暇莫把深杯較孰贏

贈張道士

道士名雲起中朝金陵人也壬戌自鎮江來
本國後因兵戈不能自還淪落海隅今年已
六十四矣素工麻衣遺法十不失一二蓋亦
龍虎天師之後裔云

龍虎天師乃東漢張道
陵真人也至今爲道家

旌宗子孫世
爲天師焉

此地逢迎眼倍明爾從何處到東溟少年未信封侯
相今日翻爲出塞行歲月浮生雙白鬢風塵遠道一
青萍歸期試向君平問萬里關山隔玉京

題釜山山亭

壓海而山山如覆釜卽所謂釜山也當山之
南腰鑿開小丘構一亭焉前對絕影三岫若
置案俎左有太宗臺右有石城烽峰自石城
而下山勢稍低邈迤而南至多大前浦又有
數三小嶼錯於其間復與絕影相屬長圍遠

抱而作一巨湖宛然巴陵錢塘之奇勝而亭
又有樹木幽鬱蔥菁甚有林樾之致焉噫天
下之物大者不細豪者不妍此其恒情也孰
謂溟渤濤漲之間而乃有此淵澄澹蕩之光
景也耶萊尹李公汝輝有詩余爲步其韻
孤城雲物接蓬萊小閣登臨勢轉崑近嶼當眉雙案
俎平湖滿眼一盂盪三洲十島自茲去蠻舶賈帆能
日迴况有老龍應側耳何須弄笛動風雷

海雲臺再疊崑字韻

海雲臺上望蓬萊醉客狂吟氣自崑仰視星辰高咫尺

尺俯臨溟渤小巛巛祖龍有石驅將去對馬如丸刻
却迴笳鼓一聲波浪沸將軍威令肅風雷

次公舉韻仍希轉奉申寅伯內翰

千里唯憑尺素通我思君憶兩情同萍蹤落落來關
外華髮飄飄入鏡中祇是風塵頻悵別未應歧路更
嗟窮故人天上還多在想爾聯翩謁紫宮

事竣將還留贈萊尹

譜中惇睦兄憐弟塞外逢迎我得君幾夜共聽山寺
雨平朝同挹海臺雲乾坤莽莽誰非客歧路悠悠却
又分努力丈夫臨別語好將長策靖南氛

頓丘博士韓公誌嘗關燒丹指戒明近哭親知多短
命可憐杯酒亦傷生纔聞赤縣唯將鶴誰料青冥便
跨鯨最是鴿原懷至慟更何辭說慰慈情

送鄭納言華齊赴燕

萊海歸來又遼海年年觀海費登題三山真可供游
目百尺還須挾上梯短羽搏風鵬徙北片金跳浪日
懸西千秋却憶蹈東語高節何人更得齊

送金季明益炅出按關東

已識朝廷欲用公分憂饑歲出關東三年門館從羅

雀一夕軒車有盡熊楓岳北登山骨白蓬壺左瞰日
輪紅洲翁棠咏留千古常棣詩仍雅繼風

挽福寧君栝

于嗟公姓詠周麟王室惇宗有至親妙歲聯封榮一
代聖朝殊眷絕群臣人憐薛邑論琴日客散梁園
賦雪辰仍憶去年歌舞地獨留寒月照華茵

次洪千海萬宗終南病懷八首

伏枕春來扇玉除柴門寂寞掩閑居每吟彭澤南山
句且罷襄陽北闕書梁燕簷鳩宅自入岸花汀柳爾
全疎已知簡懶偏吾性無復名途候謗譽

又
一病休官節序深禁廬從此謝綾衾庭花故弄三春
七海鶴福懷萬里心已悔風塵迷出處更堪霄漢十
升沉高情却想沿沂樂鏗瑟依然太古音

又

抱病三旬只守純不知時物已迴春園桃灼灼初迎
日社燕飛飛亦傍人東洛風花憐白傅西山煙雨憶
玄真何當杖策同君去雙袖蓬壺一振塵

又

世故芸芸醉復醒暖窻遲日晝生烟浮雲事業真徒

爾枯木形骸正喀然每恠天機詩自洩不關春意柳
先傳傍人笑我今如此爛讀南華第二篇

又

卜築牛川境寂寥一區吾欲老漁樵龍歸月峽一尋
宅雨霽雲臺百里朝剩有烟霞堪自放幸無簪紱與
人遙春來且伴洪厓去桂樹山中長幾條

又

欲將生業問桑麻春到田園感物華境僻溪翁常作
友家貧社酒亦勝茶門前晉代徵君柳洞裏秦時隱
者花只此經營吾易足未須虛羨葛洪砂

春日娟娟春氣和故人棲息近如何十年京洛才名
早三月林園逸興多弄藥攀條真得我馳軒躍馬且
從他新詩却寄勞相望語鳥嚶嚶在別柯

又

名香靜夜插爐薰蘭室何緣一對君伯略自慙齊九
合儒風誰效魯中分銀魚焚去還青嶂瑤草耕來是
白雲此世行藏吾已識散材今亦謝朝斤

次洪于海韻

憶昨幽憂掩草門石田菊屋舊石存村醅不害澆胸

快簷曝唯憐炙背溫倦去林禽差適音寵來軒鶴却
饗恩清詩到眼堪醫俗襟抱憑君一細論

挽李應教

有相以遷陵都監都廳病不得從事
沒後上錄其勞陞資贈知申

樂陵敦事勤勞日一臥還憐病未蘇漢代酬功恩不
薄周南滯跡命堪吁三珠奇樹凋瓊藥駟馬前程有
駿駒每愴寢門論脉語恨無方術及俞慮

且布
四子

次夢齋申公

最韻丁巳

塊然病骨蟄成堆日午山扉且暫開未許吏人持牘
至尚期隣友抱琴來當場傀儡態頻變欹枕羲皇夢

急庵先生遺稿卷四 十一
獨回千古適之真飲客避賢容我學啣杯

秋夜次夢齋韻

吟族喧喧鬪百蛩任他時節鬧秋風極知冰至凝霜
後已覺涼生積雨中東嶺星光疑並月南園螢火怯
焦空中宵俛仰還無寐歎息終南一病翁

又次夢齋韻

疲蕭深深蟄弊局那堪陳力更揚庭搔來顛髮公然
白夢去鄉山無數青未恠蟲蛇隨雨化偏憎蠅蝨滿
秋聽平生却愛南華語善得庖刀有魏丁

八月二十七日伏蒙 恩暇展掃先塋九月初

二日還 朝留題屋壁

幸蒙 恩暇出牛洲露冷霜淒已九秋舊種陰厓松
老大新開陽洞寺清幽漢南部曲還遺澤水北樓臺
但古丘明發更催京洛去暮雲寒日不勝愁

贈別關東伯趙公舉

清福夥君 主寵憑遙持玉節羽人仍慣看桑海須
吏變不厭蓬山造次登道馬糝糠良足活時行霜雪
境逾澄風塵撒却病司馬獨自棲棲愧茂能

追寄趙承宣勉卿出牧洪州之行

為養明時乞郡南憐君五馬正驂驪從教海曲知廉

吏莫怕人間有妄男猶可少寬秋稅苦更無多酌夏
醪甘題詩付與吾甥去慘慄深情轉不堪

與李頌微輩怒余之伸直呂希天移疏攻余
且及勉卿未幾勉卿為親求養出補湖邑故
第四及之

送固城倅趙君 世煥

先朝鸚立老臺臣此日彎腰瘴海漚儘有心腸同鐵
漢猶須口語戒金人跳踉天末魅爭喜愴慌瀧邊吏
或嗔聞道南營方浚築可嗟經理更勞神

東里李尚書 殿相 壽席敬次光城台韻博粲

佳節人間重下元東園壽醴復盈樽移來巫峽雲雙

朶舞得蓬山曲一翻暇日管絃今擬謝餘春棊酒昔

稱溫當筵却恨吾先起催約倉公嚼苦根

舞齊唱鄭松翁開東別曲以為迴旋節拍甚
靡麗之觀也國舅光城公及洪尚書吉甫
重叔承宣並來赴會而余適以藥房起居先
去仍有海西新採藥料來納之事未何及之

松翁之思美人續美人即歌曲之九章九辯也

而俗妓之不解此已久東岳所謂世間惟有女

娘知者亦虛語耳李尚書家小妓獨能為此曲

聞而有感遂和前韻更呈東里公求和

永新那獨擅開元聽爾清歌拍酒樽千古靈均心苑

結一聲何滿淚瀾翻愁憐玉宇偏高冷寵怯華筵欠

久溫此曲未應便斷絕愛君難捨是情根

昨日擬圈文衡而舊薦數公皆爲時宰所勾抹
東里尚書亦其一也時事嬗變亦足一慨又疊
前韻略叙鄙懷

推敘何須問化元安閑到處且開樽詩腸似錦魯心
豔世態如雲幾手翻未恠風塵壘槽聳還憐雪水點
茶溫從今不管燃藜事一任癡兒錯改根

豐陽君張善徵挽戊午

前秋一札自江關舊篋今開涕淚看危節百身哀莫
贖沉憂九死耿難刪當時入對青蒲座此日歸從白

玉欄憶昨夢山猶枕席未隨牽緋愧吾孱

趙判書斯挽已未

曾聯八座上標顛尚記先朝寵遇專乍向長沙愁
溼濕慣覘滄海變清漣搔頭叔世從催白弄膝孫兒
且得玄乘化知公無住繫俯看蠻觸一迥然
贈別夢齋申公出宰安邊

西限箕封南界江山河勃鞞卽殊邦吾猶過也曾逾
嶺子似退之今問瀧藉得臨湖開酒席何如壓淚敞
油幢望鄉恰有寬心處駕鶴高樓拓八窻

送李承宣有初端錫急充使燕之行時李次山
病甚行期

千里宜求三月糧今君恰戒一旬裝行超嶽海猶居室已視冰霜若負陽刺刺不休婢子語囂囂無罪黨人章極知度量逾千萬君命毅然祗自將

趙兄揚卿由布衣直拜溫陽郡守辭 朝之日

上引見便殿揚卿面陳累數千言皆 朝廷闕失暨懷保民生綢繆邊備之策 上大加嗟嘆揚卿遂赴任而時議譁然詆斥不已蓋恨之也作一律追寄其行

魯上 先朝太息文歸來靴躅在河汾卽今民 社

須公屈如是皇王蓋我聞始見嚴安天恨晚催呼馬客日垂隰布衣得此誠難報餘外曉曉豈足云

南叅判九萬 大夫人挽庚申

片言前歲竭群心是子剛腸傲鎖碁未售死人時宰意恐傷生我老慈心幸看零暄天初霽却訝晶光姿忽沉想得瀧岡文就日慟深欒棘淚淫淫

八月五日懸弧之夕與中表諸從設小酌汝兩酒所爲余言兄歸牛川弟返壽春中間一水以扁舟來往詎不爲千古之勝耶噫汝兩此誠比陳家阿咸以五湖圖爲壽者爲尤切不勝感嘆

聊成一律以示余意
觥飲諸君任醉醅孤辰老子且婆娑書生事業亡鏹
細平世功名鵲印多是事誰曾期夢寐素心吾欲托
煙蘿相攜愛汝同歸語他日牛川兩釣簑

送申兄戴明謫博川時諸從三人俱爲凶人鄭
元老所構誣幾陷不測兄幸蒙 恩先謫允明
尚在獄中故第六云

聯翼摧傷倍可嗟君先一謫尚恩波已知獄吏尊如
此况復夷方陋若何塞候秋憐霜雪早劍氣宵覺斗
牛多平生忠孝傳家訣鏤骨年來傲不磨

挽趙正

泰相

八奉輅車禁闥頻大郎家世卽觀津不隨鄆杜鳴鞭
客預覺甘泉觸瑟人幸取旁親祈螺羸尚論遺伐畫
麒麟曾同履虎君先逝老我愴然淚濕巾

寄題梅鶴亭

李承宣百宗

東溟

今夏出宰雞林三以書至

日吾朝暮投綬歸臥梅鶴亭中子曾有題詩
之約胡至今不踐耶余方陸沉於風波推蕩
中未能自拔懷想高風三歎而題之

孤山孫子有陽元舊臥高亭洛水濱爲令九旬知計

懶求詩三札見情勤臨臯夜過寧非子庾嶺春開想
是君慙愧牛川未歸客從人新勒草堂文

庚申十月十九日 中宮殿患痘疹自 上印

日移避于昌慶宮口傳余及汾厓申公為藥房
分院提調設議藥廳于慶德宮之內班院與醫
官十人同直供奉藥物夜不解帶而寢者已七
日痘醫柳瑞等以為今日乃收脹向靨之期而
且土冬至纔五六日憂愁無慘偶成一律以寓
祈祝之忱云

頻聞醫女下彤闈坐數寒更五夜遲此事但憑天祐

宋舊方誰得帝傳岐籲空良祝三靈際發橐陽回九
地期且待 駕還雙闕日會朝齊舉萬年卮

仁敬王后挽詞

坤則嘉秉寒淵名門德選稱紘綖重輪望切虛祈
月五石鍊成實補天乍訝金根分漢仗旋悲玉柰上
吳鈿中宸結愴奎章煥徽烈真堪壓史編

又

小臣分院領醫人痛哭中宵臯復辰未信瘡瘍稀上
代空勞茶壘衛重宸長桑有訣誰傳禁大藥無功失
劑珎賸得百行清血在曉風霑灑翟車塵

李生 法 婦金氏挽 首相文谷公少女也年十六因產後病發不救
執臬功兼詠絮才芳年銷落奈堪哀雲端月墮初生
鳧握裏珠沉乍剖胎長恨婦儀違饗室空餘女典掩
粧臺試看相國鍾情語寸寸猿腸字字摧

宋生

殷錫

婦朴氏挽

尤齋長孫婦也

先生垂涕爲言之孫婦當家孝敬宜鰥海風濤曾訪
險雞鳴笄櫛尚多儀蘭摧可惜非深蒂桂茁差忻足
五枝官縛愧無燕客志未觀君子葬人時

挽趙承宣

遠期

哭君終日淚聯綿疇昔交歡果孰緣每想道峰花似

雪仍憐湖閣水如天虛稱觀察沉青綬實斬文儒上
彩輓今日此杯還作別山河隔得奈茫然

自牛川舟渡前灘歷展外家諸墓瑞明徵明兩

從塚地草已宿矣日暮未及往訪感歎有作 辛酉

少日聲名二從借英才箇箇冠吾儕高文賦雪同梁
苑絕學論天似魯齋每愴新阡頻瘞鳧誰憐舊契獨
忘骸今來却負曹公約慚愧車行返自崖

水雲亭書示尹生

勸兄弟

小閣真能豁滯胸軒窗且喜與君同雲間長對水鐘
寺水勢遠分雲吉峰糝得一村花似雪飽來遙浦帆

當風何時結社從公等北陌南阡費一筇

次南尚書雲卿韻

誰言知得不知休名利災多莫到頭今日天章慚內閣昔人南詔想邊樓纔完屋壁堪旋馬曾理渚磯亦號牛千載蘄韓真我友不妨時續醴泉遊

買山

買山那復計西東先換陰崖一畝宮已免容人眠榻內寧愁納客擾關中團圓是物知無缺痾癢全身覺自通何況清時吾事足明朝擬逐鹿門翁

再題梅鶴亭

筆意琴心世得之園梅庭鶴亦供奇繁姿霧合煙交際疎影江清月落時聖草真如逢渾脫幽香那獨寄橫吹所嗟未逐賢孫去一醉高亭更賦詩

日者伏蒙元輔文谷相公投示太極亭感舊之什而小生晨夕奔走倥偬擾攘久未攀和矣昨於篋笥中披出展讀不勝愴然怵惕之懷不揆蕪拙謹步厥韻以述鄙悃且求斤教

壬戌七月

南山曾記結廬年歌哭仍開聚族筵終古遷移無定主卽今傳付負平泉文留拱極堂中祝字認飛流洞裏鑄三復相公懷舊語不堪孤露倍潸然

元韻

文谷

分明往事幾經年太極亭中醉別筵此日登臨餘
一涕向來存沒隔重泉清溪雨送新流漲翠壁苔
侵舊字鐫徒倚曲欄無與語終南秀色獨依然

好事

好事從來不全好喜歡真覺與仇謀爭傳赤壁蘇仙
興更道湖州杜牧愁簫鼓舟中還罪過牡丹燈下也
風流狂飆拔屋纔三日病眼昏昏且百憂

送李侯景略

懽

出守白川

癸亥

米鹽雜處身持玉雲雨翻特意磨金三世豈徒爲窠

友數年仍復識誠心北亭龍虎長懷曩西邑絃歌却
慰今情緒別來應錯莫第憑魚鴈寄佳音

許氏近水堂敬次外王父東淮先生韻

江色清澄不用膠灘聲砰磕復和敲烟銷日出中流
去柳綠花明兩岸包君與雲嵐長作主我從魚鳥亦
呼交水雲近水真隣比來往輕舠也莫拋

角巾亭疊東字韻

暫違城闕滯湖東誰識巖廊此病翁終日隱囊江色
裏有時看奕雨聲中漸憐野外添新綠更惜崖間著
小紅只箇優閒真勝界慣知榮利等苓通

柳諫議尚運 出住巴陵仍用玉河館中是字韻

因劉譚寄我更次以謝

愛爾逃空遠俗是還慙
蝨埴到宵鐘閑中詩律陳
三癖歇後平章鄭五慵
一勺澆來窗外竹數枝
栽得石間松東湖水滿
風亭好歸意逢秋不耐濃

立秋後七日會洪侍郎伯涵黃承宣君玉尹僉
樞攀于一架亭

不用重軒與複楹
巋然一架俯連漪
繞堤楊柳憐仄態
出水芙蓉憶謝詩
世上熱官清更甚
天中畏景暑全衰
杯觴抵夕忘歸去
樹樹涼蟬響晚颺

贈別北伯李君實世華

藩服中朝莫異觀
去朋真比備胡難
邊城更作三年別
世路誰期一日安
墊陸九河秋渟涵
磨雲百仞暮噴
岬東門祖席嗟
相負唯祝君靈
聾脫歡

挽趙監司世煥甲子

曩時權相論公說
勇赴固城事太奇
儘向蠻州甘蠟
弩寧期髦彥穩
龍墀操能礪俗
全清節語到驚人
有好詩可惜招魂
仍逆旅暮雲湖海
不勝悲

明聖王后挽詞

功兼育 子與扶 君十載憂虞亦極殷
天遣寒門

生 至聖身綏東國有魏勳子孫定有當興者太傅
何曾妄殺云忝藉小臣今血泣為描 坤德痛無文

默默

默默中宵黯自傷無端世論似蜩蟬城盟不耐春秋

耻六月十三日之事有甚於城下之盟矣益照猶憐日月光悶見淒風

凋黍稷愁聞高浪覆舟航今年初夏海上大風漕轉多沉敗者鱸堂道

廢庖蛙亂歎息虛傳學記章

挽閔海州

壽

逝水沄沄歲月傾年來耆舊太凋零先人僚友今誰
在從弟姻親更有情早佩銅章頻試邑晚培珠樹歛

盈庭自憐病甚違牽紉江漢秋風涕淚橫

七言排律

暫出羨陰歷覽蔡亭舊基仍口占八韻以記壬戌

角巾吾欲謝烏紗小築先尋蔡氏家每想少年蒙雨露終須晚節托烟霞江從月峽還三曲山抱寺巖更一遮俎豆東隣依石室樓譙南堞隱金笳前村活計千頭鯽舊國遺墟兩角蝸龜岫幸聯先兆近牛川誰道故居賒長瞻魁斗懷京闕即具漁舟度歲華准擬今秋乞骸去雲臺那換此生涯

次韻

汾厓

夢齋一號

曾知骨法應籠紗馬竇賢名最漢家勲業已登雲
閣盡雅懷猶憶北山霞將營綠野心爲匠暫出青
門路不遮未遣高軒張大盖潛移小隊撤鳴笳千
村麥畝看如繡兩岸漁家列似蝸淨地東南雖擅
美春明咫尺亦云賒湖山不合留賢佐廊廟端宜
處國華試念九重宵旰切涉川今日若無涯

次前韻謝汾厓申公

不見扶風施幔紗長懷岳麓舊東家聯翩步武台隣
斗嶂燁詩文筆吐霞在昔交情曾莫逆從今去意豈
相遮虞廷一輒工一藻漢塞兵仍息鼓笳激越洪鐘

方縮蚓沾濡小沫合藏蝸

主恩未忍明時訣世法

終宜寵利賒况有湖山饒勝槩非關臺榭闢繁華同
歸惠好要公約江漢中分各一涯

附尹公玄通次角巾亭蝸字七排八韻

勲業成時懶著紗風波靜處合爲家軒楹插碧涵
新鏡樓戶堆紅映落霞沙籀巧回侵水曲江襟側
歛讓巖遮勝筵簪笏紛賓從暇日旌麾咽鼓笳雪
膾堆盤魚棄尺水虞抱網室如蝸鳳城跬步游多
阻燕塞間關夢苦賒夙歲銜恩心已鏤半生憂
國鬢先華卽公准擬能無錯報得如山未有涯

息庵先生遺稿卷之四

息庵先生遺稿卷之五日錄

五言絕句 三十一首

贈白谷能上人

夜聞雨聲

詠戴明兄家孤菊

紫騮

花落

春閨

挽崔春卿

送柳起之赴原襄幕 五首

登海雲臺 二首

望海次趙公舉韻

戲贈海鄰上人

小角鏡遙寄紀明

走書靈山 尹侯題扇頭

夜聞子規

題倭人扇頭

歷明日院訪尹生 勤

舟上斗尾

謝抱川倅洪君

受亮

金浦客館敬次東淮先生壁上韻

登文殊山觀海

夜集尹仲麟家

十首

贈別原州金使君

別十

種竹

六言絕句

十二首

挽洪吏部叔平

挽趙叅議

嘉錫

謝李上舍汝文來訪

七言絕句

七十二首

南漢山城感舊

八首

贈金然明之任連源

戲贈新安妓貴色

淑靜公主挽詞

四首

讀安牛山晉州記事有感

六首

送濛陽任使君文仲

讀袁中郎集

二首

挽尹同知

挺之三首

送李文若佐幕關西

五首

釜山道中

馬島飛船

宋東萊忠烈祠

颶風

夕峰

登釜山山城

三首

海雲臺

次趙內翰公舉韻

奉和萊尹雨中

志韻

憇路傍松樹

寄孟休徵海伯行軒

開元寺贈特公

送汝兩領漕向江都

次夢齋韻

挽南僉知

得開二首

過奉恩寺記感

贈別洪昌平

受澆

贈趙上庠

正萬二首

挽趙寧越

世彙

奉先寺曉起

重到開元寺有感

贈別通信副使李季心

次汾厓韻

三首

敬次金相國南尚書韻

更構一絕

却呈青平都尉

角巾亭寄邀尹玄通

一首

棲霞閣贈從弟汝三

水雲亭躑躅盛開

為世世泰書寄柳太常

時蕃

挽金生

昌立二首

挽南尚書

一星四首

角巾堂錄

將往長湍暮抵碧蹄

坡山道中

渡臨津

七月夜有霜

送韓太僕

背世等試

嶺南

將還維楊過蠡踰嶺

路逢權生寄贈公舉

挽韓興君李

汝發

生平

復疊前韻謝公舉

再疊

三疊謝汾厓申太宰

次趙弟

敏行

見贈韻

謝春川黃使君君玉

自牛川舟下角巾亭

水落山途中

自長湍舟下赤壁

題花石亭

息庵先生遺稿卷之五
三
挽權進士

益泰

挽青平沈都尉

益顯

題岷瞻堂

朝發漢湖乘漲下漢江

息庵先生遺稿卷之五

五言絕句

贈白谷能上人

幽逕秋花落高林夕照陰偶有山僧至相將話妙心

夜聞雨聲口占

窸窣復蕭蕭聲聲在秋樹不是風前葉應是葉上雨

詠戴明從兄家盆中孤菊

冬日萬林霜君家一樹菊衆人皆喜叢吾意只憐獨

紫駟

古樂府有夜度娘詞云夜來冒霜雪晨去履風波雖得叙微情奈儂身苦何

纖腰控紫駟蹀躞層冰裂猶勝夜度娘夜夜冒霜雪

花落

朝見枝頭繁暮見枝頭少惱殺閨中人愁來轉悄悄

春閨

喜鵲非真報歸鴻錯遠書春來情緒亂不特夢魂虛

挽崔春卿

名塗長余十六歲與余同為博士業前後中大小利解額者殆十餘遭赴會試輒屈晚為分教官八年勤勞備至而銓曹不收終不得陞實今夏選薦不起傷哉

一篇送窮文平生為惜君素車嗟未哭何日明孤墳

送柳同年起之之發赴原襄幕

二月長安路朝朝有微雨向晚出東門衆山青無數

又

二月東門柳春風到樹頭迷煙復迷雨已得縮離愁

又

二月昭陽江江光淡於酒何當與君遊一棹在吾手

又

毘盧一千仞蓬萊一萬丈中間碧海濶仙人倘來往

又

十載別清都局促塵寰小平生永郎徒問我應相笑

登海雲臺俯臨滄溟四無涯際浩浩漫漫一碧

萬里時有微波獨湧雪色亂灑儘奇觀也試為

二絕以喻其狀然終亦非拙語所能描寫也

錦障出季倫古人尚云侈誰家碧綾羅鋪盡千萬里

又

聞道海觀音高拱蓮花坐况有白玉童擎出雙雙朶
望海次趙公舉內翰韻

十洲何許水三山若箇巖金銀仙闕裏可復著吾庵
戲贈海鄰上人鄰自言能爲草書

謫仙懷素篇吏部高閒序寂寥一小詩吾今還負汝
小角鏡遙寄紀明從弟

小小一盤龍盈盈明月片持來照君顏亦復思吾面
走書靈山尹侯 題扇頭

碧海浪無際青山雨不分天涯今日會那惜醉醺醺

夜闌子規

乍續秦京夢頻驚蜀鬼聲山窗纔曙色何事復啼鴛
題倭人扇頭

錦摺手中扇持來滄海上但令祛炎熱何煩作風浪
歷明日院訪尹生 勸

策馬今朝出尋君明日來離花兼岸葉秋色足深杯
舟上斗尾

泛穩深深水編牢小小舫不愁京洛裏平地有風濤
抱川倅洪君 受流 餉以文無一東詩以謝之時

有新除御營之命 戊午

一東春山葉多情却餽吾文無真自罪慚愧學孫吳
宿金浦客館敬次外王父東淮先生壁上韻

近浦全侵陸遙山共謁天海門知不遠潮撼五更眠

登文殊山觀海

極目大瀛海微茫島嶼多還疑禾昂裏時著鍊餘砂
尹承宣仲麟家夜集呂宗伯希天申都憲寅伯
李侍郎季周李知申弼卿李少宰彝仲尹侍講
養一柳江界起之俱來會仍以夜闌更秉燭相
對如夢寐為韻賦得十絕以示諸公兼與起之

作別

飛鳥各安棲行人亦稅駕誰知六載後團圓復此夜

又

此夜留君飲何妨夜到闌相將邀月色聊復破霜寒

又

前後臨瀛守宰官試邑政即今還重內肯使高軒更

又

右屬 呂宗伯
李知中

一躡無等頂嗟君亦過嶺慙吾血指久還君椽筆秉

又

右屬 李少宰

屏退舊田廬幾將遺書讀平生一黍甘丹心炳如燭

又

右屬李侍郎

畏塗鐵關峻絕國燕塞長公今在高衢憂樂乃迭相

又

右屬申希憲

自君離安山幾年出險塞愁州愁已除一樽聊相對

又

右屬尹承宣

一來纔從鏡起行却向問伯勞與燕燕東西政渺如

又

右屬尹侍講

一夢復一覺處世真同夢此會還有別那能不心痛

又

山雪留古今江流界天地明發送君土耿然雨不寐

贈別原州金使君 斗明

大陸風波動遙空火日熬蟾江清百丈高臥是仙曹

種竹

裁得窻前竹呼兒日日澆會看生直節高者拂雲霄

六言絕句

挽洪吏部叔平 萬衡永安都尉之第二子大諫

年止三十八皆終弘文校理秀而不實惜矣哉

昨夜東風微雨沁園芳草菲菲憐君與歲俱逝何事

春歸未歸

又

夢中時呼白也卷裏或哭微之幸爾遺文有托照眼
俱是佳兒

又

粲粲瓊樹交柯英英桂萼雙蒂人道謝氏封胡爭似
君家兄弟

又

清切由來地望高寒自是天稟却少王郎一歲唯得
天官五品

又

千尺海底珊瑚一箇掌上明珠嗚呼玉寶難得惜哉

墜彼虛無

又

驂騮乍騁中阪玉藥先飄上春不知造物情狀偏付
壽祿何人

又

夜中思汝十起病後遺親一書無恨人間父子此時
此情何如

又

所悲燈前轉塵堪恨土中埋玉縱使床琴不亡誰識
季鷹此曲

又

別君明日故山哭君今夕新舍依依物色無人庭花
欲謝未謝

又

平生子喜吾文此日我送君逝題得廿句六言淚眼
浪浪不霽

挽趙叅議

嘉錫

同我四十八年送君三百廿字東門此別茫茫無限
人間涕淚

謝李上舍汝文邠來訪

我住桃花淺灣君家白石深洞十里殷勤遠來柴門
日暮相送

七言絕句

遊南漢山城感舊八首

青春獨上漢南臺臺下長江入海迴日暮烟塵迷北
望不堪孤劍吼風雷

右登西將臺

又

一夕胡烽照漢宮先王於此駐飛龍誰知百二金
湯地更有吳山立馬峰

右望可汗峯

又

魚尾知通卷五
古州東北盡黃雲烏驪青駝各一群漢家戰士三十萬奇功還屬奉春君

右有感

又

壯士橫戈壓虎關西門一箭破完顏至今雉堞連雲處猶有當時戰血斑

右觀西門破賊處

又

孤城一夕陣雲昏壯士捐軀報國恩日落古州南畔路不知何處可招魂

右哀北門戰士

又

誓心昔日明倫計嘔血當年報國誠未破天驕無限

恨有時風雨滿空城

右懷李完豐

又

聲長笛倚高樓樓外平看古戰丘不待臨風吹出塞孤城月色已堪愁

右天柱寺聞笛

又

千古溫王迹渺然白登遺耻淚痕邊山僧不管興亡事獨向晴窗課法蓮

右題天柱寺

戲贈金同年然明免之任連源驛驛在忠州

少年高第太無愁不解人間有遠遊笑殺今朝丹竈破春風一騎向忠州

戲贈新安妓貴色

方作李公正英舊歲
左遷嘉山時所兩者

一曲悲歌金縷衣美人清淚濕羅幃
歡今得意輕相負自擁西方千騎歸

淑靜公主挽詞

代叔父作

一代平陽貴主尊夫家家世漢楊
袁中參禮數偏優渥長奉春風萬壽樽

又

玉蘂瓊花第幾枝九天風露惠恩滋
如何闌苑淪霜早不待蟠桃子熟時

又

日日中官出九閭護醫質藥更頻繁
白膏紅蜜知多少却恨仙香欠返魂

又

帝女樓高鳳闕西西園秋草日萋萋
堪嗟乞巧還今夕悵望銀河路已迷

讀安牛山晉州記事有感

憶昨南州漲海氛將軍百戰樹奇勳
遺民未必知名姓但說當年上洛君

右上洛君金時敏

又

一翁門下舊升堂夫子于今最耿光
倡義一軍俱死

義晉陽還似古睢陽

右倡義使金千益

又

韜鈴黃子真英勇意氣梁君亦士林萬里獨勤懷奏
義千金足見買刀心

右黃兵使進梁佐郎
山琦

又

崔氏文儒能習武張公義士且知兵更有投江李節
制男兒一死貴分明

右崔兵使慶會張泗
川淵李金海宗仁

又

高家男子復讐軍縞素東來義烈聞此父精忠還此
子至今人誦濟州文

右復讐將高從厚

又

危欄千尺清江上義骨沉來恨未銷尚記英豪爭戰
地有時樓撼五更潮

右五樓

逸淮陽任使君文仲

奎少能詩且善四六戊
申冬登文科尋罷榜

海上仙山高復高山根日夜浸洪濤登臨把釣君家
事須向蓬萊斫巨鼇

讀袁中郎集仍用其體却賦二絕

千秋玉局聖於文才調中郎足繼云快活心腸飛動
語展來詩卷欲凌雲

又

豪情矯矯凌空翻秀色盈盈出水花尺牘幾行詩幾首無人知道自南華

挽尹同知

挺之公享年九十有二

九十人間占大年童顏鶴髮老神仙也知紫氣臨關日逢著青牛學五千

又

魯聞桃實千年結却見蓮花再度開洪崖柱史相逢

地爛醉仙翁紫玉杯

昨年公與已酉司馬壯元東州李敏求暨知事洪憲有重楊會

又

二首詩曾賀語成擬塵瓊席壽先生今朝寫入薤歌

去逢送雲軒指五城

送李文若

沃佐幕關西

烏臺詞客盛文章千里湖山入錦囊想得高秋吟賞地練光亭外月如霜

又

白面紅衫映繡裙風流昔日少郎君清江一曲千條柳猶許佳人唱遏雲

又

滄溟眼底小如杯鳴水微茫一縷迴君向妙香須騁望千山皆自白頭來

聞爾鯉趨關塞遊箕州路轉接愁州行時朔雪西山
色到日春天北海流

又

白月寒霜禁樹秋去年西掖日相酬今朝物色渾如
舊却對清樽起別愁

釜山道中

漢管夷堞鬱茫茫野草巖花更斷腸路傍試問田翁
語積裏時餘古戟竿

馬島如有通報釜山之事則輒送一輕舸而風

不問東西皆絕碇運櫓其疾如飛烽臺候卒望
見水肯上有一點如白綿絮狀者卽知其爲飛
船奔告府中未及歸而船已瞥然來泊於館下

矣

海中水高處如嶺
之有脊者曰水白

絕影東望大海開鷹峰西接沒雲臺遙看一點濤中
白知是蠻州片舶來

宋東萊忠烈祠

忠烈院前碧草滋殘花寂歷暮禽悲許張舊聞聯雙
廟宋鄭今看共一祠

颶風

雨脚初收日漏光
颶來石走晝茫茫
南人裘葛無時節
四月萊州海氣涼

夕烽

天涯遠客客愁濃
日日孤城對夕烽
憑渠欲付平安報
家在終南第一峰

登釜山山城

釜山有內外城外城離海內城即山皆壬辰倭奴所築也築城之法

唯取雜石亂積時而句主長短牙角互入
縫痕雖存而胎無餘隙自跌至腰則若倚若
有狀如峻阪而過腰之後面勢始皆直削若
施以繩斧焉真天下之巧制也山頂有一碑
乃天朝平倭諸將勒功之所而
皆欲石刊殆不可讀可悲也已

一片釜山萬古碑
摩挲不覺淚先垂
虛將勒石蘭臺

筆來寫磨崖大史詩

又

天兵十萬下東瀛
大破蠻胡紀績明
功伐中丞唐郭
令文章國史漢班生

又

繼絕存亡荷帝恩
妖氛十載靖東藩
銘勳漢將河如
帶飲犒周師海作樽

海雲臺

呼嘯石骨聳危臺
東望洪波萬里開
天際白雲飛不
去崔仙千載倘歸來

息庵先生遺稿卷五

前歲四月 上奉 慈聖幸溫泉五月 廻鑾

小臣適忝玉堂以留都官自直廬出迎于江上

今年四月 上又奉 慈聖幸溫泉小臣復帶

玉堂一如昨年而顧乃以儼事留滯南徼恭聞

車駕將以今閏月十一日還都而未克展祗候

起居之儀謹次趙內翰公舉寄示韻以寓區區

瞻戀之微誠云

憶昨留都直禁扉江頭親候六龍飛天涯想望 廻

鑾日縹緲紅雲擁紫微 奉和萊尹令公雨中志喜韻

萊山太守雨祈農誠意搏搏見禮容為語山神如律

令急須鞭起井中龍時萊尹將禱于金井
令我為祈雨文

憇路傍松樹

道上陰陰十畝松何年變化老雙龍未須更論興雲

雨蔭暘還應也待儂

走筆寄贖孟休徵曹瑞海伯行軒

君監海路異監河自有西江萬斛波但使齊良饑易

食論功禹下不為多 開元寺贈特公南漢 攝瓊 特

落木寒雲古寺秋今來不忍上南樓山僧見我驚相

問當日郎君已白頭

送從弟汝兩運判向江都領漕

司農官屬好風流領運西都亦勝遊想得春江江水
滿百船齊櫓下通州

次夢齋韻

宵蛩咽咽夕蚊喧叵耐文書抵晝繁安得此身便解
脫秋風一棹倚龍門

南僉知 得朋挽

稀齡耆德宋朝英七郡治名漢吏良眼看一子還巍
級滕置魯玄復幾行

又

今年耆舊太摧傷柱史榮越共報亡可念兩家樂棘
痛白頭卿月老兒郎

過奉恩寺記感 辛酉

清江一曲花千樹曾向均公寺裏遊二十七年重過
此春風暫繫木蘭舟

贈別昌平洪使君 受澆

少日工文學兩都卽今爲邑且名區公餘作賦君能
事績得畸翁瑞石無

贈趙上庠 正黃

太華峰頭玉井葩天生苗裔紅霞君家世有高人
手又折今年最上花

又

久仰三都繼左思龍門一賦古今奇四世占魁真不
忝嘉君重續紫貂詩

挽趙寧越

世彙

五字推敲詩品絕廿年榮落宦途難可惜倚樓才盡
處魯陵西日不勝寒

奉先寺曉起

七載中兵二考銓

聖恩今言占安便曉來約略知

佳趣古寺鐘聲落枕邊

重到開元寺有感

山雪林風古殿開微雲淡月曉徘徊南壇老宿知何

處東閣郎君今又來

南壇老宿指法
演瓊特兩摠攝

贈別通信副使李季心

壬戌

坐對東洋萬國圖扶桑一點日光孤夥君受命重溟
去愧我瓶罌老此夫

次汾厓韻

乍罷朝衙一枕甜不知仙漏已申籤夢中且約江湖
伴鼓柁垂絲總楚詹

又

新詩百嚼味回甜藏去端宜冠萬籥自有高岑真格
律韓門那足數郊詹

又

辛勤到底為人甜不害臨州共典籤每恠屈原多耿
介却將鸞鷲問諸詹

敬次金相國

壽興

南宗伯

龍翼

二鉅公留題青

平都尉山亭詩韻二首却呈都尉案下更構一
絕為求做松雪體寫東坡上廬陵啓

小閣圖書認主家名園時物亦芳華箇中定有煙江

障不數黃筌著色花

米芾畫馬王晉卿有所畫
江壘障圖為蘇黃諸公所賞

一曲秦淮勝陌桑清歌子夜響華堂堪憐賦月風流
處不惜微沾地上霜

右次二公韻

平生最愛子瞻文曾上廬陵賀乞身暇日請君題寄
我晴窗一讀警陳人

角巾亭寄邀尹公玄通

癸亥

湖上重尋小閣時壁間三復故人詩煙銷浪靜鱗魚
美正好春風對酒卮

又

纔回遼薊路三千却對煙波興渺然湖上一樽聊待

子西風坐數上江船

樓霞閣贈別從弟汝三

都門曉出由旬地江閣涼邀四月風睡罷斜陽仍作
別波光明滅晚霞中

水雲亭躑躅盛開

梨花時節每相違花到今朝又盡飛却喜亭前紅躑
躅一時齊縱待吾歸

為洪世恭書寄柳太常時蕃

賤時厄困人皆有高處詩文世所無幸賴朱家能識
季片言緩頰免為奴

挽金生昌立甲子

東閣郎君玉不如仙真那得久塵居且催天上雙蚪
去許續人問九命書

又

無限人間父子情相公今夜淚霑纓蕭蕭雨過窻檣
語疑是山齋舊讀聲

挽南尚書二星

少年蓮榜幸同年慚愧糝糠偶在前每憶玉堂詞翰
地多公彩筆繞雲烟

又

去秋聯步上彤墀法講雍容奏對時往事依依公不
在朝端無復見風儀

又

尚書風味在持螯斟玉承糟眇二豪今日蓬科歸寂
寞空山誰與勸春醪

又

一春停弱常多病盡日幽憂獨掩門咫尺城南還阻
哭徒將薤曲與招魂

角巾堂錄

角巾堂錄 角巾 漢陰亭名 自癸亥七月陳劄乞長
暇出住時所作

自角巾亭將往長湍取路揚州達伊峴暮抵碧

蹄

行行穿峽又踰川乍度平阡更陟巔開遍林花逢雨
亞啄餘山果待霜懸輕雲淡靄衣都濕白石清泉興
屢牽聞道高寧寺不遠晚來須借竹床眠

坡山途中

小村墟落傍溪涯溪柳垂陰擁短籬茅屋低簷蛛挂
網豆田聯蔓兔爲絲正當郊野有年日恰是林泉無
事時疎懶五旬今請老願從東峽理荒菑

渡臨津

清晨客路指臨湍烟雨冥濛水一灣花石千秋跨絕

壁衣冠百世護喬山亭憐溪老題詩處舟學坡翁擊
棹還霽後天磨增氣色插雲孤截恨難攀

七月二十一日夜有霜甚可驚也

豚蹄曾笑祝盈車望望田家計亦奢殘暑逢秋猶未
退清霜到曉忽交加郊原已悴青青草蕎麥先凋白
白花憂緒江湖吾倍切矐然雙鬢不論華

自臨湍先送韓太僕肯世還京仍向嶺南掌試
故人門巷每相從誰料西征又輒同纔向天閑調御
騎還隨地骨覓真龍山中剖玉六全巧嶺外掄材道
與公乍別此行君早返田間我且息吾慵

將還維揚過蠓踰嶺口占

江湖歸思正吾儕官路無心躍駟騶未是旁行從郭
索却尋邪徑愧高柴寒蒲束得蠖方美冷藥綻來菊
亦佳明發懸車成至願一封齋沐奏天階

考工記注
旁行蟹屬

文選思玄賦指長沙以邪徑山谷
謝人贈蟹詩寒蒲束縛十八輩

路逢權生益隆仍占一律寄贈趙四宰公舉

一出春明久濶疎政堂秋日近何如老來衝口言言
妄覺後收心物物虛籌畫稱情公作蔡烟波惹興我
其漁維揚偶與阿隆會逆旅題詩問起居

挽韓興君李汝發昔公病通御營
而余為其代

時危可惜失豪英誰似營平老習兵
少日戎壇推節制晚年盟府襲勳名
久知樂佚殊程尉常愧雍容代祖生
偶屏田間違一哭秋風江漢阻新塋

生平

生平憂國不謀身自有丹心可質旻
非效孔尼論正卯所期虞士得同寅
儒封織貝翻成誣史筆稱狐亦亂真
千載老蘇曾著辨一回披讀一傷神

復疊前韻謝趙四宰公舉

自覺吾行與世疎此來蹤跡便如如
唯將明月留清影且任浮雲點碧虛
白石樽中無事酌滄波江上有

時漁扁舟更欲乘流去溪霧湖煙不定居

再疊

年來志業轉空疎今日歸休可自如
渤海詩成身亦老邯鄲炊罷夢俱虛
幾行書史供觚爵一担江山爲採漁
只此生涯吾易足不須詹卜問何居

三疊謝汾屋申太宰

昔年銓法愧吾疎此日天官孰子如
可但明時望俱實曾聞 聖主佇頰虛
胸中水月空懷鑒世外烟波欲學漁
自視庖人殊缺甚莫嫌樽俎與軒居

次趙弟 敏行 見贈韻

昔進常疑驟今歸不害顛飄搖辭世外疎濯到江邊
舟閣何須楫牛閑亦懶鞭晴窗開卷坐此物荷皇天
春川黃使君君玉乳善餉鹿脚雞首以謝春意
牛渚風寒露色復鷓枝何處足僑棲正愁秋圃無羊
跡却喜春州有鹿蹄笑我浮榮真夢蟻憐君絕技又
庖雞馬卿病渴今差健擬向狴山覓舊題

自牛川舟下角巾亭

薄暮湖光萬頃開扁舟朝自水雲迴秋江上下皆奇
勝無事煙波獨往來

水落山途中

徑折崖橫石溪喧水落山東峰昔隱處孤絕更難攀

自長湍欲向金川不果乃舟下赤壁三十里登

花石亭口占

此行孤負朴淵遊却向臨湍弄碧流借問香爐觀瀑
興何如赤壁艤清秋

題花石亭兼示主人李文

厚祇 卽栗谷先生從
曾孫也

千古名庄認會昌吾行况復是重陽橫江赤壁三秋
月繞舍黃花百本香占國林園增蔽芾承家詩禮更
芬芳先生祠廟還隣近每念當時感歎長

挽權進士益泰

往者游場屋居然樹旆幢世爭推第五吾亦歎無雙
齡妙天胡奪文窮鬼莫降傷心送葬地一哭阻秋江

挽青平沈都尉

益顯

昔因李東部請公書數紙所書卽何語坡翁賀歐子
文辭旣發越字體更妍媚感公情義多多公藝能美
帖壁時自玩爛然雲霞起今秋幸乞休鼓泄清江渌
蒼茫斗湖間風烟類潁水况蒙 上哀憐特許歸田
里今古縱莫及勉蹈有哲軌誦公舊日書感歎其何
已惟公資最剛曾不料生死尊榮復絕代至娛忘年
禩云胡厭塵白蛻去如脫屣卜葬訝類樗筭命嗟同

祀念廣壽愈迤茫茫此何理西園日淒涼繁霜下庭
阡親朋舊過從歷歷淚盈視若余始未慣新知每延
跂山河今邈然一哭阻靈几凄辭與感臆遠托安仁
誄

題岷瞻堂

角巾亭小堂

牛川南望首頻擡日日孤亭上幾回雙峽中開屏岫
出二江交匯斗淵迴依微野外分松梓仿佛寺前起
石臺况是臨湖千萬景盡情粧抹作詩材

朝發漢湖乘漲下漢江

曉報汀痕沒舊沙朝來片舸發湖涯半旬慣聽連江

息庵先生遺稿卷之五
雨此日真乘漲海槎
悶見青畦沉麥穗
休將白浪比
桃花吾生已拚從
漁伴隨意煙波學
釣義

息庵先生遺稿卷之五

